




PAC: PAGOS DIRECTOS MANUAL PRACTICO

2015-2020

NPB: ORDAINKETA ZUZENAK GIDALIBURUA



Eguneratze-data:
2015/02/15

12. BALDINTZAPEKOTASUNA

12.1. Nori eragiten dio baldintzapekotasunak?

Honako hauek bete behar dituzte baldintzapekotasun-arauak:

- a) Oinarrizko Ordainketaren, klimaren eta ingurumenaren ikuspegitik onuragarriak diren nekazaritza-jardueretarako ordainketaren (greeninga), laguntza elkartuen, eta nekazari hasiberrientzako ordainketaren erregimenei jarraiki 1307/2013 Erregelamendutik eratorritako ordainketa zuzenak jasotzen dituzten nekazariak.

Nekazari txikien aldeko erregimenean parte hartzen duten nekazariak ez dira kontrolpean egongo baldintzapekotasunaren xedeetarako.

- b) Landa Garapenerako Europako Nekazaritza Funttsaren bitartez (1305/2013 Erregelamendua) neurri jakin batzuegatik Landa Garapenerako urteko primak jasotzen dituzten onuradunek, zehazkiago honako eremu hauetarako neurriengatik jasotzen dituztenek: ingurumena eta klima (ingurumen-neurriak), nekazaritza ekologikoa, Natura 2000 sarearen eta Uraren Esparru Zuzentarauaren babesean egindako ordainketak, muga naturalak eta bestelako muga espezifikoak dauzkaten eremuetarako laguntza (ICM), abereen ongizatea, eta baso eta ingurumenaren eta klimaren zerbitzuak eta basozaintza.
- c) 1308/2013 Erregelamenduari jarraiki mahastiak berregituratu eta birmoldatzeagatik eta mahasti berdeen uztagatik ordainketak jasotzen dituzten onuradunek.
- d) 1698/2005 Erregelamenduaren landa-garapenerako zortzi neurrien onuradunek, zehazkiago honako laguntza hauek jasotzen dituztenek: nekazariei mendialdeetako zailtasun naturalengatik kalte-ordaina emateko laguntzak; nekazariei mendialdeez aparteko eremuetako zailtasunegatik kate-ordaina emateko laguntzak; «Natura 2000» laguntzak eta Uraren Esparru Zuzentarauarekin zerikusia duten laguntzak; nekazaritza- eta ingurumen-laguntzak; eta abereen ongizatearekin zerikusia duten laguntzak. Gainera, 2012., 2013 edo 2014. urteetan mahastia abian jartzeko eta mahastia berregituratu eta birmoldatzeko primaren lehen ordainketa jaso duten onuradunek, 1234/2007 Erregelamenduan ezarritakoaren arabera.

Baldintzapekotasunak honako hauei eragiten die

- a) Oinarrizko Ordainketaren, greeningaren, gazteen eta ordainketa gehigarrien ordainketa zuzenak jasotzen dituztenei
- b) Landa Garapenerako Europako Nekazaritza Funttsaren bitartez ingurumen-laguntzak, nekazaritza ekologikoaren laguntzak, Natura 2000 sarearen eta Uraren Esparru Zuzentarauaren babesean egindako ordainketak, ICM laguntzak, abereen ongizaterako laguntzak, eta baso eta ingurumenaren eta klimaren zerbitzuetarako eta basoak zaintzeko laguntzak jasotzen dituztenei.
- c) 1308/2013 Erregelamenduari jarraiki mahastiak berregituratu eta birmoldatzeagatik eta mahasti berdeen uztagatik ordainketak jasotzen dituzten onuradunek.
- d) 2007-2013 aurreko programazioaldiko b) eta c) puntuetako laguntzak "arrastatzen" dituzten onuradunei.

12.2. Zer betebeharrak dute onuradunek baldintzapekotasanari dagokionez?

Onuradunek baldintzapekotasan-arauak eta luraren nekazaritzako eta ingurumeneko baldintza egokien alorreko arauak bete beharko dituzte VII. eranskinean ezarritakoari jarraiki (1306/2013 Erregelamenduaren II. Eranskinarekin bat etorriz), baita autonomia-erkidegoan ezarri daitezkeenak ere.

12.3. Zer betebeharrak ezartzen dira larre iraunkorrei dagokienez?

2015. eta 2016. urteei dagokienez, baldintzapekotasan-arauetan larre iraunkorren mantentzea ere bilduko da.

Larre iraunkorretara bideratutako azalaren nekazari edo abeltzain titularra erkidegoko araudian aurreikusitako eskakizunei lotuko zaie, baita, hala badagokio, larre iraunkorren guztizko azalera murrizketa esanguratsua izan ez dezan prebenitzeko autonomia-erkidegoek ezartzen dituztenei ere.

Horretarako, 2014. urtean SIGPAC sistemari buruzko Errege Dekretuan zehaztutako onargarritasun-koefizientea aplikatu aurretik deklaraturako larre iraunkorren azalaren eta nekazaritza-azalera osoaren arteko proportzioa Estatuan % 5aren gainetik jaitsi bada 1122/2009 Erregelamenduaren (EE) 3. artikuluko 4. atalari jarraiki ezarritako erreferentziazko proportzioaren aldean, 2015ean ordainketa zuzenen erregimenen babesean laguntzak eskatzen dituzten onuradunek baimena eskatuko dute larre iraunkorretarako lurra bihurtzeko, 640/2014 Erregelamenduko (EE) 37. artikuluko 2. atalean aurreikusitako salbuespenekin.

Egiaztatzen bada 2014an ezinezkoa dela 1122/2009 Erregelamenduko (73/2009 Erregelamendua (EE) garatzeko arauak ezartzen ditu, Erregelamendu horrek nekazariei zuzenean laguntzeko ezarritako erregimenen baldintzapekotasanari, modulazioari eta kudeaketa- eta kontrol sistema bateratuari dagokienez, baita 1234/2007 Erregelamendua (EE) garatzeko arauak ere, mahastizaintzako eta ardogintzako sektorerako ezarritako laguntza-erregimenaren baldintzapekotasanari dagokionez) 3. artikuluko 2. atalean jasotako betekizuna betetzea, hau da, 2014an proportzioak % 10aren gainetik egin badu behera, aurrez aipaturako betebeharrak gain, larre iraunkorrek bestelako erabileretarako azalera bihurtu dituzten onuradunek laguntza bat eskatzen badute 2015ean ordainketa zuzenen edozein erregimenari jarraiki, lurra lehengo erabilerara itzuliko dituzte, hau da, berriz ere larre iraunkor bihurtuko dituzte, 640/2014 Erregelamenduko (EE) 37. artikuluko 3. atalean ezarritako baldintzen arabera.

Aldez aurretik aipaturako betebeharrak 2015. urtean aplikatuko dira bakarrik, baina 2015ean eta 2016an kontrolak egingo dira benetan betetzen direla bermatzeko.

12.4. Zer zigor aplikatzen da baldintzapekotasanari lotutakoa ez betetzeagatik?

12.1 atalean aurreikusitako laguntzen onuradun batek 12.2 atalean aurreikusitako baldintzapekotasan-betebeharrak betetzen ez baditu urte natural jakin baten edozein unetan, betetzen ez baditu, eta ez-betetze hori zuzenean egotzi badakioke urte hartan

laguntza-eskaera edo ordainketa-eskaera aurkeztu zuen onuradunari, zigor bat aplikatuko zaio.

Zigor hori onuradunak aurkeztu dituen edo aurkezten dituen laguntza-eskaerei dagokienez, onuradun horri emandako edo eman beharreko ordainketen (12.1 atalean aurreikusitakoak) gutzizko zenbatekoa murriztuz edo baztertuz aplikatuko da ez-betetzea dagoela jakiten den urte naturalean.

Zigorra soilik aplikatuko da ez-betetzea onuradunari zuzenean egotzi dakioken ekintza edo ez-egite baten ondorio denean, eta, gainera, haren nekazaritza-jarduerarekin lotuta badago eta/edo haren ustiategiaren azalerari eragiten badio. Ez-betetzeak baso-eremuei eragiten badie, eta onuradunak eremu horietarako laguntzarik eskatu ez badu, zigorra ez da aplikatuko.

Lehenengo paragrafoa, baldintzak betetzeko betebeharrak bete ez dituzten onuradunei aplikatuko zaie mutatis mutandis, edozein unetan hiru urteko epean, mahastia berregituratzeko eta birmoldatzeko laguntza-programen esparruan egin den lehen ordainketaren urte naturalaren hurrengo urteko urtarrilaren 1etik aurrera, edota edozein unetan urtebetez 1308/2013 (EE) Erregelamenduan aipatzen den mahasti berdeen uztari laguntzeko programen esparruan ordainketa hori egin den urte naturalaren hurrengo urteko urtarrilaren 1etik aurrera.

Zigorak kalkulatzeko eta aplikatzeko, 640/2014 (EE) Erregelamenduaren 39. eta 40. artikuluetan eta 809/2014 Erregelamenduaren 73., 74. eta 75. artikuluetan ezarritakoa hartuko da kontuan.

Lurra urte naturalean edo dagokion urteetan eskualdatzen den kasuetan, 12.1. atala ere aplikatuko da dagokion ez-betetzea lurra eskualdatu zitzaien edo lurra eskualdatu zuen pertsonari zuzenean egotzi dakioken egintza edo ez-egite baten ondorio bada. Nolanahi ere, egintza edo ez-egitea zuzenean egotzi dakioken pertsonak laguntza-eskaera edo ordaintzeko eskaera urte naturalean edo dagozkion urteetan aurkeztu badu, zigorra pertsona horri emandako edo eman beharreko ordainketen gutzizko zenbatekoen oinarriaren gainean aplikatuko da.

1306/2013 (EE) Erregelamenduaren 99. artikulua 2. atalaren bigarren paragrafoaren ondorioetarako, alerta azkarreko sistema bat ezartzeko aukera izango da, eta aplikatuko da, ongi justifikatutako kasuetan, ustiategitik kanpoko eraginik ez duten larritasun arineko ez-betetzeen aurrean, baldin eta ez-betetze horietatik ondoriorik eratorzen ez bada edo ez-betetze horiek urtebete baino gutxiago irauten badute (hortaz, ez dute murrizketarik edo eskusiorik ekarriko berekin). Osasun publikorako edo abereen osasunerako zuzeneko arriskuak dakartzaten ez-betetzeen kasuetan, beti aplikatuko da murrizketa edo eskusioa.

Hiru hilabeteko epearen barruan lekuan bertan egindako kontrolaren egunaren ondoren nekazariari ez-betetzearen berri emango zaio, eta neurri zuzentzaileak hartu beharra jakinaraziko zaio. Segidako hiru urte naturaleko epearen barruan egindako kontrol batean ezartzen bada ez-betetzea ez dela agintaritza eskudunak ezarritako epe zehatzean bete eta egiaztapena egin zen urtearen ondorengo urteko ekainaren 30etik aurrera ezin izango dela luzatu, gutxienez % 1eko murrizketa aplikatuko da alerta azkarreko sistema aplikatzeko xede izan zen ez-betetzea atzeman zen urteari dagokionez. Zigorra kalkulatzeko, ez-betetzea ondorengo kontrola egin den urtean errepikatu ote den hartuko da kontuan. Nolanahi ere, onuradunak ez-betetzea ezarritako epean zuzendu badu, ez da ez-betetzetzat hartuko errepikatzen bada.

1306/2013 Erregelamenduaren (EE) 100. artikulua aplikatuz baldintzapekotasuna ez betetzeagatik egindako murrizketen ondoriozko zenbatekoen % 25 autonomia-erkidegoen esku geratuko da, proportzionalki haietako bakoitzean atxikitako zenbatekoen arabera.

Baldintzak betetzearen inguruko kontrolei dagokienez laguntza ordaintzeari buruzko 809/2014 (EE) Erregelamenduaren 66. artikuluan ezarritakoaren arabera, kontrol horiek 1306/2013 (EE) Erregelamenduaren 92. artikuluan aipatzen diren urteko laguntzen eta sarien ordainketa egin aurretik amaitu ezin direnean, onuradunak zigorraren ondorio gisa ordaindu beharko duen zenbatekoa berreskuratu egingo da bidegabeko ordainketak berreskuratzeari buruzko Erregelamenduaren (EE) 7. artikuluaaren arabera, edo konpentsazio-bidez (offsetting).